

續金華叢書



竹

石

梅

蘭

菊

芙蓉

藥房
樵唱

表
勵
準



甲春康宗校
子永胡楸鋟

藥房樵唱序

序曰藥房樵唱者吳公文可所著之詩也夫詩在堪輿間無纖勿囿無巨勿涵太極陰陽之化物則民彝之懿烟風月露之形河山草木之昭氣候燠寒之更毛羽鱗介之蕃治亂興亡之著天壽死生之變可疑可存可悅可愕可感可慨外觸乎物內發乎情情至而形于言言形而比于聲聲成而詩生焉譬之氣至簧鼓神合自然機搖弩發道契冲漠上自王公卿士下逮小夫編氓率藻暢于襟靈一導揚于隱伏大而朝會燕饗被之弦歌小而委巷深閨見諸誦諫雖位號之或殊而情衷之無異商周之隆斯義爲盛漢魏以來古意漸削下沿唐宋之間而得之者蓋鮮矣于是吳趨楚豔而哇淫之詠汨焉牛鬼蛇神而誕幻之事彰焉靈飛霰擲而粗厲之文布焉胡嘯梵吟而忽荒之趣見焉僞言粵語而俚鄙之褻形焉鴛支蝶卉而留連之思滯焉詩道亦幾乎熄矣公嘗與濂劇論至斯爲之彈指三嘆蓋公以雄逸之資濟通明之識著于篇翰規倣風雅鼓動江山之氣發揮造化

之微味玄酒于周廷襲懸黎于梁苑雕龍彩鳳不足爲之麗衝颯激
浪不足爲之豪其淒惋也則孤猿夜號松露初滴其雅馴也則冠冕
珮玉儼趨廊廟由其才無不兼所以體無不備世之讀者如入玄圃
而攬明月木難之珍如登崑丘而覩天禾肉芝之貴誠可謂擅名制
作之林競爽藝文之場者已如濂不敏年踰四表學廢三餘精神遐
漂無永寧之夢金石相宣乏荆潭之情景伯之舌徒存文通之筆已
失顧念疇昔獲陪杖履濯纓雙溪之側漱齒靈源之上攀蘿月以夷
猶撫楸雲而舒嘯公時吞吐羣機陶鎔庶彙珠玉隨風冰雪在口人
爭傳于秀句價欲等于兼金奈何稍歷星霜遽分今古雖懷西之室
遺跡未寒而遼東之鶴一去不返尙忍言哉尙忍言哉公之子履與
其門人黃琪編輯遺藁鏤之文梓乃緣世契之深遠以首簡爲屬嗟
夫玉光劍氣直出人間麟角鳳毛終爲世瑞蕭功曹之新章不泯李
奉常之妙什宜傳此理之常無足疑者第以疾疢相仍文藻衰落無
義山之雅製序漫叟之雄篇姑綴蕪辭以信微臆云爾公諱景奎文

可字也婺之蘭谿人羣行存諸別傳履地以學善屬文尤精於詩無忝
于公者也至正十八年歲次戊戌三月口口亥朔契家姪金華宋濂謹
序

机

平公既出至五十八年... 文成... 致金... 未...
... 人... 亦... 曾... 以... 文... 大... 特... 其...

藥房樵唱目錄

第一卷

五言古風

秋夜讀書感懷

喻鳩

采菊

七言古風

擬李長吉十二月樂辭

送日者黃學海歸江西

故園多海棠其一樹大數十圍樹頂一枝如雪白因賦

五十自訟示同志

中秋對月

鵲有媒

癸未春留錢唐巨可大家六月可大歿明年移家臨平余將

東歸因賦此寫懷

徐仙卿歌

五言律詩

旅夜

過臨平

旅夜

和韻秋日述懷簡李克明

病起二首

得家書二首

漫興

挽汪元明

四月二日二首

存歿

茅屋

秋興

七言律詩

寄題天台楊道士素軒

同劉學錄登台州古城

登台州中山

風雨赤城旅夜書懷

哭鄭伯容

永嘉天越幼子

送錢思復進士赴會試

和洞霄宮丹泉酒韻

桐灘月夜舟中聞琵琶

寄括蒼劉學錄

勉童良仲入京

蘆花褥

寓錢唐寄呈元禮叔父

寄舍弟綺

奉送浙江省危宰郎中除湖廣

奉送江省都事納文郁除湖廣

錢唐旅舍贈輝東陽和尙

夢仙

錢唐三茅觀古梅五代時所植至正辛巳毀于火次韻

寄洞霄宮史玄圃真人

寫懷

望江亭懷古

過護國寺

壽開元宮王眉叟真人

晚霽

至邵存存庵文叔兄尹舜卿舍弟景參不期而會遂同宿庵
中時何仲畏留吳博士宅恨不合并也

宿存存庵

送葉鍊師

第二卷

觀文叔兄續修潘氏清譜有感

文叔和韻

和韻春日二首

山中訪唐隱居二首

春思

歲暮歸自錢唐富玄真道院

過趙敬德別業

奉謝輝東陽見貺白葛水源茶百丈諸石刻墨本二首

喜怯烈失監州重建東峯亭

和韻趙敬德雜興

四首

再和

寄蘇伯夔

庚寅四月廿八日禪傍成

宿存存庵聞文叔兄有會晤之期

垂虹橋

姑蘇臺

舟次丹陽

鳳凰臺

和韻答楊生

奉呈劉御史

登蔣山寶公塔下高閣

六朝遺跡

留別巨生二首

至吳仲毅投家書就假張應奉天香集

錢思復所賦靈槎集舊嘗錄遺後十年失其本稟思復以詩

來徵用韻奉答

葺山中故廬有感

夏夜山中偶成

自山中歸鑑湖別業

同劉伯善賦覺慈寺玉壺冰泉

春波漁者二首

夜坐感懷

答吳濬仲

旅夜對月有懷尹舜卿

呈文叔兄

寄錢良貴

寄琳上人

寄江君逸

歸故居

夢鄭謂道

香溪解纜

知記

寄潘彥實

艸堂訪暉東陽不值是夕同胡太常宿大桐江方丈用太常韻奉呈并簡東陽

次韻答錢思復并簡呂彥夫

送張伯翔

閒居

題鮮于伯機書桃源詩

寄吳孟思

送人北歸

寄徐景傳

寄題衛立本具慶堂

風雨途中遇羅主簿杖履歸北山

送張道士

六十

次韻答友人

辛卯冬

挽輝東陽

寒食

自警

閏月書事

遊紫巖寺

自山中歸

築城

第三卷

奉簡吳濬仲避地紫岩山

寄唐公弼

暑夜對月

夢輝東陽

夜宿葉孟咨書樓

次韻過表忠觀

秋興三首

席上卽事

垂老有懷葉景翰范景先胡仲申

中秋

月夜懷友

次韻憶錢塘二首

御史登城南閣武亭

喜聞太傅右丞相出師平寇

癸巳歲二月壬子日晴

寒食

三月七日

答勝上人

胡太常錄寄黃侍講詩二首因次韻

次韻張子恭督兵衢州二首

中秋二首

次韻美老左丞總戎有功

美楊志誠

建德同知蒼岩公以平寇陞總管

病中許存禮葉孟咨見訪示桃岩詩因次韻

七言絕句

寒食二首

舊遊

偶成

赤松雜詠六首

送黃鍊師絕句二首

泊臨口

龍飛亭

春日雜詠絕句三首

山水小景

登碧雲蒼雪樓有感

題小景

題太真睡起圖

夜雪

寄汪貫之

戲簡江君逸清明日移家

代呻吟絕句十首

樂府

滿江紅 歸故居答澗之

最高樓 寄謝國芳

滿庭芳 已卯七月十一日得頴

念奴嬌 寄蕭善之

大江東 壽暉東陽丁亥正月十二日
生推命者丙戌算因戲及之

疎影 爲劉架閣賦贈妓者

沁園春 贈鄭伯洪

海國春

魏景

大耳東

余效激

謝國天

羅高縣

羅高縣

魏景小序

魏景是景州魏景也

主其命齊西人其由魏景之
五八十二日

余效激

謝國天

羅高縣

羅高縣

藥房樵唱卷一

續金華叢書

蘭谿 吳景奎 著

五言古風

秋夜讀書感懷

宵中風雨除明蟾
界心房秋堂湛虛白
飛露生浮涼夜氣之所存
澹然可慮忘短檠
對芳冊一覽思五行
注目曾未久玄花眩幽光
瞳子罹哀酸感額攢
清揚憤嫌書字細
頻挑燈燼長遠睇
覺慙明迫觀愈微茫
掩卷重太息警心恒中腸

喻鳩

東村五畝園荒穢
久不治荷鋤種豆苗
愛此膏土肥森然已甲坼
保之若嬰兒羣鳩競拂羽
俛啄思無遺傍廡雖稍却
投間復在茲一啄不汝惜
再啄苗已稀刺我心上肉
充汝腸中飢汝飢誠可憐
矰繳那忍施桑林正沃若
桑椹方垂垂椹熟可醉飽
林深無危機恩怨從此釋
斯園勿重窺鳩鳴對心臆
羣然亦高飛

采菊

爽氣浮西山風烟澹原隰悠然出衡門佳節逢九日衆草萋以青黃
菊正秋色采之不盈把妙意良自得謂能制頽齡可泛忘憂物驩言
命壺觴萬事付酣適永懷東籬人俛仰已陳迹

七言古風

擬李長吉十二月樂辭

正月

麴塵絲拂晴波暖霽靄空濛燒痕淺含章宮中萬玉妃粉花點額芳
菲霏條風東來初解凍蝴蝶吹醒花底夢翠鬟梳罷玉纖寒綵燕銜
春上金鳳

二月

青皇宮中花鳥使杳翠霏紅教鶯語移春檻小度芳華金犢車輕載
歌舞曲房夢斷章臺月東風不解丁香結鑰魚夜守倉琅根海棠飛
落臙脂雪

三月

紫簫吹月梨花老碧雲冉冉迷芳草藥欄繭栗怯春寒翠帳流蘇護
鶯曉麗人一去音塵杳淚洒紅綃怨青鳥新蒲細柳自年年曲江流
恨波聲小

四月

輕紅流烟香雨足新槐影轉句欄曲水晶簾箔度薰風簧吻烏衣語
華屋涼簪墜髮初破睡粉痕淺護脩蛾綠並禽不受雕籠宿背人飛
向荷陰浴

五月

網軒綠艾縣飛虎菖蒲花青海榴吐江蛾倚竹弄湘絃調笑懷沙怨
蘭杜南薰生涼紈扇薄雕俎瑤觴勸郎酌絲索光浮繫臂紗守宮紅
映黃金約

六月

冰山瓏璵閒瑤席水拍銀盤漱寒碧象牀湘簟含風漪膩香粉汗霑

擬脂赤帝啾啾火龍老琪樹西風轉昏曉

七月

鳳凰枝頭一葉飛碧疏朱綴生涼颺素紈團團恩愛衰含宮嚙羽吹
參差瑤階露華霑履綦星橋月帳愁別離粉筵歡笑占蛛絲

八月

蘋風夕起涼思多新愁舊恨攢濃蛾雲兜鵲返故國瑤階絡緯鳴
寒莎銅仙泓泓泣零露銀灣漾漾吹涼波素蛾徘徊白鸞舞廣庭老
樹今如何

九月

黃金花開香滿把烟草荒臺誰戲馬楚雲櫛櫛雁西流秋色悽人正
瀟灑淚花菼菼啼新愁纏絃五色彈箜篌寶香不暖茱萸帳明月空
過翡翠樓

十月

小春一花西月黃縞衣美人吹暗香錦衾羅薦曉寒薄夢中持贈雙

明璫霜花莫洒相思樹
愁殺孤棲金鳳凰

十一月

八姨手折樽桑枝
海天凍合青瑠璃
瓊樓仙人喚滕六
夜入銀潢剪瑛瑤
沈香火煖錦承塵
巨羅羔酒生春鄰
宮溝不寄題紅怨
日映五紋添弱綫

十二月

瓊芳銷歇年華改
青鳥無音隔瑤海
綠綃窗戶弄晴曦
柳條迎臘含烟彩
上苑花須連夜開
枝頭休剪楊家綵

閏月

若華煌煌榮日馭
氣朔盈虛積餘數
低鬟歛黛拜霜娥
孤負團圓十三度
生物趨功得歲長
山中獨厄黃楊樹

送日者黃學海歸江西

黃君舊飲西江水
太華黃河歸眼底
移家直上黃金臺
袖染天香五雲裏
神遊碧落鞭雷霆
六丁呵護青囊經
藍袍掩映蒼水珮
劍光倒

射天冥冥前身金華老仙伯此生還作金華客却厭緇塵點客衣解
組竟尋山水癖生男有室女有家買田築室春桑麻秋風吹醒故園
夢清江碧嶂天之涯去路不辭烟水隔骨肉相歡頭雪白千年老鶴
今來歸閭皂山前令威宅

故園多海棠其一樹大數十圍樹頂一枝如雪白因賦

太真酒酣睡未足深宮已縱銜花鹿翠華一夜拂峨眉風塵瀕洞黃
金屋馬嵬香土埋嬋娟冶容悔與春爭妍似聞天王狩太白雪魄幻
作花中仙淡妝獨立東風裏冷笑漫山舊桃李芳心恨不聘梅花雨
中有淚如鉛水蜀山紫錦同本根得如梨雪聊相溫凝脂醞藉初出
浴玉鳧波暖春粼粼瑤臺月下相逢處翠袖冰姿生媚嫵更燒銀燭
醉中看髣髴霓裳羽衣舞

五十自訟示同志

嗟我行年今五十鬢毛半染秋霜白方知四十九年非追數平生竟
何益少年懶惰廢經史明時進取無謀畫臨財不解競錐刀飽食安

知勤稼穡故園已荒松菊存索居却占漁樵席陸沈井里等樗散賓
餞羲和馭駒隙齒牙搖落筋力疲兩目生花眩朱碧母年七袞餘四
齡飲食康強喜愉懌大兒無成小兒幼有弟相望念離隔弱孫繞膝
不識愁弄筆攤書恣狼藉不如意事十八九俯仰興懷百憂積敢隨
佻巧人共嗤自信修姱心不易使予浸假嗜酣醕好勇鬪狠從博奕
豈如用拙樂賤貧清苦寧辭食冰蘖牛衣不暖泣中夜犢鼻淒涼徒
四壁丈夫未遇亦如此顧我何爲嘆緯繹已將窮達付天公歎歌起
視滄溟窄方今忽忽歲道盡黃落山林見松柏揆余初度安足論母
恩未報嗟窮厄醉來聊以寫我憂返鎖衡門謝賓客

中秋對月

素娥游宴清虛府手摘蟾花咱寒兔瓊樓高處作中秋淨洗銀盤滷
風露此時令我憶去年山中桂影浮觥船今年却來江海上美人干
里同嬋娟世間憂樂知多少天地無窮月長好明年蹤跡何處看此
夜陰晴亦難保

鵲有媒

長林蕭蕭兩乾鵲，牖戶綢繆欣有託。雄飛望望杳不歸，飲啄應憐墮
繒繳。媼雌哺鶯成孤，栖月明不復從南飛。迢迢織女隔銀浦，風多巢
冷將疇依。花間雙鵲能凸喜，來往殷勤道芳意。雄鳩佻巧鳩不媒，願
得靈脩幾同類。斯須衆鵲邀提壺，入林繞樹聲相呼。羣飛盡去遺一
鵲，同室定偶携。諸孤疆疆和鳴，如有道求牡深慚雉鳴。鷺踰墻鑽穴
相窺，從重歎人而不如鳥。

癸未春留錢唐巨可大家六月可大歿明年移家臨平余將東
歸因賦此寫懷

去年六月十五夜月明漁浦看潮生，今年此夜對明月淒涼池館難。
爲情故人夢斷知何處，生存華屋含風露。明朝家具載扁舟，又向臨
平山下住。憶昔故人邀我來，笑談白日驅風雷。百年未半忽轉燭，時
移事改令人哀。我家金華北山北，堂上慈親年八十。要知生死見交
情，兩載淹留歸未得。孤兒有託女有歸，余亦與懷歌式微。悲來縱筆

寫情曲九原杳杳心相知

徐仙卿歌

兩儀肇分天地位融海結山由至理崑崙之墟西極高天下羣山從
此始川流百折皆朝宗山氣龍嵒騰蒼龍大爲京都小郡邑民物總
總成提封辨方相土傳今昔是亦陰陽家一術自從管郭著遺書後
世紛紛相祖述胎仙化作徐仙卿黃冠野服芒鞋輕千峰飛步攬空
翠佳氣鬱鬱雙瞳明玉函玄經妙萬化王賴曾揚齊逸駕道旁忽爾
得牛眠土與黃金卽同價雁鳧銀海長冥冥珠襦玉匣非生榮伯倫
王孫埋與裸三年石槨何由成我思掩親必有道十載未成心悄悄
卿言咫尺有佳城水秀山明宜宅兆徐卿目擊而道存澗溪培塿安
足論五湖四海浮日月太山喬嶽撐乾坤贈君一緹登山屐踏遍江
南與江北觀光直上燕然山日近蓬萊雲五色

五言律詩

旅夜

逆旅頻看鏡秋來白髮生孤雲渺何許遊子獨關情野迴雞三唱霜
寒雁一聲此時愁絕處歸夢度江城

過臨平

舟過臨平後青山一點無大江吞兩浙平野入三吳逆旅愁聞雁行
庖只鱸鱸風帆如借便明日到姑蘇

旅夜

秋宵不成寐缺月向人斜更漏傳三鼓寒燈落一花窮愁長伴客幽
夢只還家烽火何時息吾生未有涯

和韻秋日述懷簡李克明

草木驚搖落賓鴻度漢河故山歸夢遠明月客愁多不復丁年壯空
悲子夜歌倚闌看北斗零露滿烟莎

病起二首

病起錢唐上支離獨擁衾燈花懸客夢砧韻動鄉心力疾坐長夜放
懷成短吟故園歸未得迴首白雲岑

今日忽已過明朝還又來客懷長作惡笑口爲誰開兩月書無到三更夢獨迴天寒不歸去茅屋長蒼苔

得家書二首

卧看平安字移燈就枕衾兒癡甘廢學母老最關心山藥來鄉味溪籐寄野吟愁多翻不寐歸思在遙岑

病起家書至頻看坐夜分弟兄憐雁影親友散鷗羣嘗稻應翻雪栽松欲入雲故山歸去日嘉樹定續紛

漫興

此生如寄耳遷次竟何如江上得安宅山中有做廬一簣成釣隱三逕遂吾初去住渾無定教兒且卜居

挽汪元明

幽貞甘苦節力學欲名家齊婦憐孤子遺書尙五車鵠原人泣血鸞鏡髮爲鬢新塚誰題墓青山日易斜

四月二日二首

衰曉聞邊警蒼黃欲斷魂
徵兵防列郡帶甲滿中原
老去身多病憂來眼倍昏
此邦猶樂土吾得守柴門

撫景悲涼甚臨風感慨多
荆舒屯虎旅滄海起鯨波
世事遽如許吾生奈老何
愁懷翻倒極對酒不成歌

存歿

交遊半存歿搔首獨踟躇
季札千金劍

吳孟思

劉公一紙書

劉御史

蘇門

絕清嘯

孫季和

圓澤悟真如

輝東陽

自笑山中客塵緣未破除

茅屋

茅屋絕低小棲遲江上村
兒曹從逆旅稚子解膺門
幽事齊書帙清愁付酒尊
近聞李公子入贊紫薇垣

秋興

秋色絕蕭洒憂懷自不勝
江山驚白髮風雨老青燈
飲啄樊中雉飛騰鞫上鷹
歸來葺茅屋纚纚索明繩

七言律詩

寄題天台楊道士素軒

梨雲漠漠護幽局，宴坐冥觀內景清。
風露洗秋生灑白雪，霜驚曉眩空明。
瓊樓奏樂霓裳冷，絳嶺吹笙鶴羽輕。
窻戶玲瓏人寂寂，碧桃花下步虛聲。

同劉學錄登台州古城

逆旅論心出肺肝，酌君斗酒盡君歡。
兩峰海月生殘夜，萬壑風烟人暮寒。
草木近從霜後落，江山須待雪中看。
荒城試豁登臨眼，蒼隼摩空振羽翰。

登台州中山

翠嶽雙峰著此身，危巔夜半見朝暎。
天低古塔參雲闕，江送寒潮落海門。
白蛤風高仙已去，翠微僧老鶴長存。
下觀城郭紅塵隘，水色山光自吐吞。

風雨赤城旅夜書懷

吾兒爲客在黃山，我向丹丘歲又闌。
千里鄉關家信遠，一燈風雨客

羶寒衣鉤石角難行路船趁潮頭易上灘須信故園歸去好梅花相伴竹平安

哭鄭伯容 永嘉天趣幼子

錢唐十載事淒涼病入丹丘蝶夢長滄海歸魂依骨肉皇天老眼忌文章春暉早與秋花殞書種誰傳帶草香白髮老翁腸欲斷束棺歸葬鄭公鄉

送錢思復進士赴會試

手折蟾花第一枝又乘官艦赴春闈江峰曉夢湘靈瑟雲錦秋裁織女機紫電早催龍尾化絳霄行見鳳毛歸中堂慈母占烏鵲看取青山映綵衣

和洞霄宮丹泉酒韻

淺淺碧竇出平陶冷漱雲根貯玉漿擲米化丹淪石髓釀糧爲酒沁霞光銅盤清露承天迴金勺黃花灌地香得似仙家風月好手分麟脯引杯長

桐灘月夜舟中聞琵琶

湛湛長江上有風予懷渺渺水雲空未誇湓浦逢商婦騰喜桐灘有
釣翁欹枕醉眠秋渚月亂帆爭趁夜潮風曉寒難結思歸夢一寸秋
霜壓短篷

寄栝蒼劉學錄

我昔天臺碧海東識君豪氣似元龍醉扶太乙青藜杖嘯倚皇華恰
憤峰桂樹小山懷舊隱桃花流水記遺蹤思君不見空回首知在蒼
雲第幾重

勉童良仲入京

東華塵土撲征袍鞍馬驅馳不憚勞虎豹天關瞻日月魚龍入海混
風濤千金臺上英游甚萬歲山前王氣高聖主唐虞臣稷契頌聲端
擬漢王褒

蘆花褥

搖落蒹葭白露霜冰綃覆護帶幃張瓊臺積雪和烟暖銀浦流雲入

夢香失綉曾憐衣冷落吐茵空染酒淋浪雁聲髣髴瀟湘夜起坐俄
驚月一牀

寓錢唐寄呈元禮叔父

游子辭家負薜蘿故園春月近如何他山杜宇客懷惡清夜竹林歸
夢多荃蕙化茅成楚怨布衣扣角起商歌遙知病後無情思莫遣愁
添兩鬢皤

寄舍弟綺

溪上楊花撲酒旗別來猶記醉歌時故山笑我生華髮諸弟惟君最
白眉風雨夜牀懷舊夢池塘春草入新詩自憐漂泊成何事折取芳
馨寄所思

奉送浙江省

毗質儀曹覲九關南從宰屬綴鸚班庾樓月上偕僚佐郎省星移鎮
獠蠻葉落洞庭秋雨後書來吳會暮雲間陰陰官柳相迎送天驥催
歸十二閑

奉送江省都事約文郁除湖廣

蟾府秋花滿袖香
盱眙遺愛在甘棠
紫薇幙下除書至
黃鶴磯頭驛騎忙
風靜瘴雲消嶺海
雨新春水滿瀟湘
庾公明月蘇公柳
兩地高情屬省郎

錢塘旅舍贈輝東陽和尙

天女飛花不染衣
眼明心淨見摩尼
蛾浮瘴水窺人影
鳳立朝陽刷羽儀
積雪不移松柏操
故山頻寄鵲鴿詩
三峰庵下孤雲白
昨夜秋風長桂枝

夢仙

紫鸞邀夢到仙家
結佩相逢萼綠華
翠勺細傾千日酒
蜺旌斜插五雲車
飛瓊鬢影含清霧
弄玉簫聲隔綵霞
杜宇無情驚覺後
月痕猶在碧桃花

錢唐三茅觀古梅五代時所植至正辛巳毀于火次韻

三茅琳館倚嶙峋
五季枯梅帶蘚痕
劫燒忽收香影去
孤根猶抱縻

株存翠禽夢斷春無迹玉樹歌殘月正昏不作杜鵑歸闔苑爲煩逋
老賦招魂

寄洞霄宮史玄圃真人

九鎖靈宮隔翠霞至人來往駕飛車懸知天上神仙宅只在山中宰
相家石鼎夜浮丹井月瑤壇春暖碧桃花我來不奈塵心渴願賜瓊
田五色瓜

寫懷

亭館烟花暗結愁故人靡靡付東流臂能化彈因求炙劍已沈淵尙
刻舟投轄待垂公子釣敝裘應笑長卿遊移書爲謝林間鶴孤負西
風蕙帳秋

望江亭懷古

金刹璇題入絳霄望江猶自記前朝羣臣痛洒新亭淚孱主方看制
水潮故物蒼龍蟠石柱當時丹鳳聽簫韶屬鏤一夜英雄老曾見鴟
夷恨未銷

過護國寺

帝夢臣鏐返故墟
汴京從此化青蕪
直教卧榻人鼾睡
不復中原宋版圖
閭闔草深藏虎豹
秭歸月冷泣魚鳧
玉雲飛去青山在
長繞蓮宮壓舊都

壽開元宮王眉叟真人

紫誥銀章下泐江
羣仙遙引散花幢
錦雲繚繞開丹室
珠樹玲瓏見碧窻
弄月吹笙秋鶴隻
朝天飛舄曉鳧雙
朝來阿母蟠桃熟
丞相堂前醉玉缸

晚霽

雨晴秋氣轉蒼涼
萬籟依稀奏羽商
烟抹林腰橫束素
日迴山額半塗黃
鷓鴣晒翅眠池草
翡翠銜魚立野航
霜蟹正肥新酒熟
破橙宜趁菊花香

至邵存存庵文叔兄尹舜卿舍弟景參不期而會遂同宿庵中
時何仲畏留吳博士宅恨不合并也

藥房樵唱卷一
兄弟相逢琳館靜倚闌忽見故人來一時良會有如此百歲好懷能
幾回竹屋對牀宜聽雨風簾剪燭共持杯何郎只在蘭江上安得相
攜笑口開

宿存存庵

林下道人何處去老君觀裏禮星壇佩環遙候青牛過臺殿惟留白
鶴看一榻松雲容我宿半岩風氣逼宵寒五更馬足車塵動得卧山
中夢寐安

送葉鍊師

雲衣瑤珮思翩然夢踏銀橋桂影邊丹鼎結胎留姹女綠章封事挾
飛仙三山只隔蓬萊樹七澤方栽華岳蓮夜半月明騎鶴去紫簫吹
在蔚藍天

藥房樵唱卷二

續金華叢書

觀文叔兄續修潘氏清譜有感

吾父實爲君仲父延陵家裏繼書聲
蘭分蕙族元同氣梅是樊兄最有情
骨肉豈能忘至理子孫猶得記清名
他年二姓披圖譜知我淵源自默成

文叔和韻

桃塢移根栽北阜喜培奕葉播英聲
譜書二姓簪纓族詩寫一家兄弟情
卿等謾云孫繼踵法曹深羨祖傳名
已知先德皆餘慶大器應須在晚成

和韻春日二首

雨香雲淡燕泥融珂馬如行罨畫中
江上數峰浮暖翠日邊繁杏倚春紅
鶯花世界惟消酒水榭簾櫳易受風
陌上遊人皆倒載未須拍手笑山公

遊絲舞蝶共徘徊野馬空濛拂面來
風雨一時成晚霽園林何處不

花開江橫羅帶銀鷗起雲想衣裳玉女裁賸喜麻姑能送酒只愁門外索空巖

山中訪唐隱居三首

雨後春山宜散策藤梢石角路低迴雲爲蒼狗因風去水作青龍繞澗來短屐有時成獨往幽花無數爲誰開老翁燒竹烹新茗不飲何煩薦酒杯

我愛春山多勝事與君竟日不能迴雲生疊嶂層層見風送飛花冉冉來灌水時聞幽鳥轉柴門多爲故人開蕨拳笋角供清酌石上窪尊不用杯

竹嶼先生吟嘯處長松繞屋水縈迴山人采藥烟中語仙客吹簫月下來琪樹碧桃窻戶靜瓊林翠壁畫圖開分明似入天台路安得胡麻飯一杯

春思

飛燕腰支掌上輕塵生羅襪步盈盈鑰魚不寐春無賴箏雁頻移曲

未成歛黛低鬟初破睡
嚙花嗅藥獨含情
許身肯作王孫女
白首哀吟對馬卿

歲暮歸自錢唐宿玄真道院

吳會江山已厭看
夢隨猿鶴共清歡
海風不惜歸帆便
雨雪偏於行路難
日暮扣門林屋靜
天寒勸我酒盃乾
還家恰好當除夜
好辦椒花頌履端

過趙敬德別業

結廬人境淡無心
空谷猶聞喜足音
自是胷中有丘壑
何須眼底見山林
清琴濁酒疏簾晚
嘉木幽篁小院陰
別業蕭閒誰得似
浣花流水草堂深

奉謝輝東陽見貺白葛水源茶百丈諸石刻墨本二首

三年飛錫過江西
欲折芳馨寄所思
五色雲臺懷舊隱
九重天詔刻清規
歸帆高拂滕王閣
行李兼收孺子碑
一笑相逢驚久別
草堂深處話襟期

雲衲來歸未被塵尺書落手見情真三峰庵下看明月百丈山中憶
故人白葛含風升縷密綠花瀾雪水源新摩挲石刻成三絕相送茅
簷一笑春

喜怯烈失監州重建東峰亭

東峰亭廢江山在故址誰將枳棘開作記名高龍虎榜監州聲重鳳
凰臺烟雲竹樹丹青筆風月軒窗紫翠堆稚耄謳歌禽鳥樂朱轡時
引畫熊來

和韻趙敬德雜興四首

九臯時聽鶴長鳴林下幽棲遠市聲明月涼天秋最好幽花小樹晚
多情雲山發興宜雙屐桃竹何人贈兩莖馬足車塵名利客蛇行蒲
伏可憐生

秋至吟腰瘦幾分野情蕭散意欣欣幽懷自愛求三友高詠何妨對
五君尊酒醉眠松下石山人不寄嶺頭雲枕流淨洗巢由耳世事年
來了不聞

連天芳草不勝秋爲報王孫已倦遊
松菊故園山北面漁樵別業水
西頭英雄每被功名悞豪俠惟將
意氣酬道術相忘貧亦樂養真衡
宇足優游

客懷物意兩翛然故老相逢每問年
種竹已成霜下傑脫巾時漉酒
中賢門無俗客來相過架有殘書
補未全小立芳洲采蘭杜披紛蕭
艾政堪憐

再和

幽懷耿耿託詩鳴風葉蕭蕭亦有聲
濠上觀魚知我樂門前羅雀見
交情從看白髮三千丈休揲靈著
五十莖自卜此身甘老拙且將書
帙了餘生

一幅吟牋寫八分風神蕭遠過羊欣
蘭苕翡翠偏憐我錦繡琅玕莫
報君江上草堂連野竹山幽桂樹
倚秋雲高情自得滄洲趣欸乃漁
歌隔岸聞

萬里青冥一鷗秋山川應待子長遊
莫驚素髮催垂領早見朱衣陪

點頭錦帶吳鉤心獨壯牙籤玉軸志先酬師門藉藉高風在立雪英才舊姓游

飛蓬落鏡已皤然坐覽陳編閱歲年五斗折腰陶靖節一經教子漢韋賢荷鋤不識黃金貴睨柱能歸白璧全慨想前修有如此我生堪愧復堪憐

寄蘇伯夔

自笑今吾卽故吾煩君問訊近何如馮唐易老雙蓬鬢殷浩難投一紙書天北風高鵬翼健江南水濶雁音疏他時若遇王摩詰肯道南山有傲廬

庚寅四月廿八日禪傍成

疑有佚文

人生剛作百年期三寸桐棺手自治馬革裹屍非我願桑蠶成繭是吾師莫憂王叵逢碑墮好喚劉伶荷鍤隨誰肯野夫爲計早樂夫天命復奚疑

宿存存庵聞文叔兄有會晤之期

玄真道士留余宿
報道君來八月初
會面猶如千里隔
別懷動是一年餘
喜聞筋力加強健
每遣兒孫問起居
老境逼人能幾見
碧天空闊雁行疏

垂虹橋

橋壓吳江七十洪
行人如在水晶宮
月明鵲翼橫銀浦
雨霽鯨波落彩虹
西望太湖秋氣白
東迎初日火赧紅
祖龍縱不明年死
鞭石安能有此功

姑蘇臺

烏啄難忘石室囚
苧蘿西子入長洲
鴟夷若裹姦臣去
麋鹿安能此地遊
落月當門懸目恨
遠山顰黛捧心愁
後人俯仰悲陳迹
獨倚闌干對虎邱

舟次丹陽

舟次丹陽成陸走
驅車長坂復經邱
青山東去連京口
紅日西沈向石頭
客路最嫌雞戒曉
鄉心生怕雁橫秋
明朝定宿烏衣巷
斗酒還

澆逆旅愁

鳳凰臺

長嘯西風上鳳臺
梵宮高倚碧崔嵬
紫髯布政三分後
綵翹呈祥兩度來
潮打石城吳月上
山連淮甸楚雲開
金鑾殿上騎鯨客
醉墨淋漓落酒杯

和韻答楊生

少年才力擅羣雄
手掣長鯨碧海中
一鶚獨飛天外碧
五雲多在日邊紅
肩摩盧駱文章妙
筆落鍾王翰墨工
千里相逢如舊識
明朝匹馬又江東

奉呈劉御史

紫薇花下演絲綸
又向江南擢諫臣
家世舊傳眞御史
典刑今有老成人
校書天祿青藜在
落筆蘭亭繭紙新
一寸寒荑猶未綠
願從桃李得陽春

答蔣山寶公塔下高閣

寶公塔下登高閣，目盡江南半壁天。
江接秦淮圍故國，地連吳楚渺平川。
猿驚鶴怨移文在，虎踞龍蟠王氣偏。
聞說先皇遊幸日，白豪干丈禮金仙。

六朝遺跡

望中紫氣已蒼涼，六代遺基付夕陽。
鍾阜插天猶虎踞，虞淵浴日見龍翔。
樓船鐵鎖江城在，玉樹金蓮野草荒。
一自王師來飲馬，烏臺百尺凜風霜。

留別巨生二首

我昔君家留兩載，拂衣豈爲食無魚。
雲飛親舍歸心切，月滿關河故友疏。
壯志已騰三尺劍，少年須讀五車書。
若翁讞獄多陰德，高大門閭實在予。

吾子別來驚幾載，相逢彼此問平安。
鯉魚甘旨慈親樂，烏鳥私情祖母歡。
英物已知能跨竈，老生尙及慶彈冠。
河梁執別還申戒，從善如登信獨難。

至吳仲毅投家書就假張應奉天香集

二豪文采動詞林江上相逢又盍簪談麈坐陪雙白璧家書喜直萬
黃金華顛冉冉含秋色青眼垂垂見客心賴有天香詩借我玉堂人
有五雲深

錢思復所賦靈槎集舊嘗錄遺後十年失其本藁思復以詩來
徵用韻奉答

先生江上醉迎時正是湘君鼓瑟希八月靈槎通析木九天雲錦落
星機篇章拜辱驪珠富翰札徵求趙璧歸千里封題寄蔣去湖山從
此發清暉

葺山中故廬有感

溪上先人有敝廬昔年經始有勤劬弟兄已作辭家燕林木誰瞻愛
屋烏墻角蓬蒿迷町疇簷牙風雨老枝梧肯堂肯構眞吾事未讓揚
雄宅一區

夏夜山中偶成

山氣空濛暑氣收，南箕落落月如鉤。
松濤忽捲三更雨，林籟俄驚六月愁。
破甕從他中夜舞，敝裘憐我少年遊。
夜來起坐空長嘆，生不成名已白頭。

自山中歸鑑湖別業

數椽茅舍清江曲，六月炎天困鬱蒸。
賴有青山圍故宅，歸來赤腳踏層冰。
石泉松籟爲琴筑，野藪山肴薦豆登。
明日迴頭望丘壑，芙蓉半出白雲層。

同劉伯善賦覺慈寺玉壺冰泉

古寺寒泉霜雪冷，一泓澄碧絕埃氛。
瓊漿自注冰壺滿，石眼疑從玉井分。
夜落天光常浸月，曉騰秋氣欲成雲。
水符乞與山僧調，供給茶鐺日與君。

春波漁者二首

水濶江南魚正肥，烟波一棹動蘭漪。
船頭鴉雀連書冊，海底珊瑚礙釣絲。
楊柳月高春醉後，桃花痕暖雨晴時。
問渠橋李當年事，越入吳

亡總不知

一簑一笠似張同投轄何煩到海東漁火獨明風露下櫓音多在浦
雲中水黏昏眼離離白花落船頭點點紅拋卻釣竿還自笑更無漂
母飯英雄

夜坐感懷

柳影參差月轉廊酒醒無奈意動勳鏡中白髮垂垂老枕上清宵細
細長舊事已隨流水去衰懷那復少年狂玄花亂落看書眼孤負韓
檠一尺光

答吳濬仲

禮部文章驚海內先生學業振家聲隱之泉水有清操仲蔚蓬蒿無
俗情天上麒麟初應瑞榜中龍虎再題名漢庭慎勿輕年少政事書
成屬賈生

旅夜對月有懷尹舜卿

金點知更萬籟收可人清景思悠悠朱簾捲雨初消暑冰簟含風不

耐秋推枕忽驚身是客倚闌惟有月當樓此時無限相思意目斷孤鴻寄遠愁

呈文叔兄

平生知我無如子奈此別離情思何春水連天歸雁盡故山迴首白雲多王門鼓瑟應難過賓館無魚直賦歌爲問吾宗老兄弟近來潘鬢幾分皤

寄錢良貴

桑梓連陰十里餘三年不見意何如他鄉對月嗟離索故友憐君問起居歸去山家新酒熟向來林館小窻虛高堂老母頭如雪莫惜頻頻斫鱸魚

寄琳上人

滿山紅葉雁來初好是維摩示病餘踢倒淨瓶誰問話踏穿門限客求書雨花散漫霑荆樹雲衲爛斑映板輿我識東陽老仙伯爲煩問訊近何如

寄江君逸

斗酒相逢盡醉休，幾迴清夢憶同遊。
江河牢落知心晚，天地淒涼滿眼秋。
客有常何能具草，誰憐王粲獨登樓。
思君不見空回首，日落天寒攬敝裘。

歸故居

桂樹團團屋角青，歸來自覺愜幽情。
隣翁共話桑麻長，稚子爭言竹笋生。
樓上看書無限好，山中伐木有餘清。
短筇來往閒成趣，流水涓涓木向榮。

夢鄭謂道

夢中尙憶曾遊處，多在排雲湧雪間。
玉澗清冷寒脫齒，金臺蒼翠鬱孱顏。
天池倒影沈圓象，丹竈何年熟大還。
鄭老襟期誰得似，月明環佩響空山。

香溪解纜

解纜愔愔別思遲，汀洲日落暮烟微。
故人勸我杯中酒，慈母爲縫身

上衣幾度客懷心欲折一江秋水雁初飛倚闌無限思親意底事西風久未歸

知己

知己相逢盡醉歡西窗剪燭坐更闌笑談傾倒忘賓主意氣相期出肺肝白雪數莖嗟我老黃金一諾報君難丈夫磊落當如此自愛先生禮數寬

寄潘彥實

自是潘郎奕世孫貪泉一酌別爲源若翁視我猶諸弟舉族惟君念本根况有詩書敦宿好每將瓜瓞細同論相逢且盡登高興賸采黃花汎綠尊

草堂訪輝東陽不值是夕同胡太常宿大桐江方丈用太常韻
奉呈并簡東陽

獻賦相如早已逢縣車疏廣晚攸同耆英人物衣冠表官樣文章館閣中吟嘯坐陪雙峴碧夢雲猶繞五雲紅天閑老驥成超縱振鬣一

鳴凡馬空

春盡秋來兩度逢襟期一笑二心同夢迴桐懶干峰外身在雲臺五
色中茶圃氣清秋露白松門影落夕陽紅夜闌徑轉迴銀燭別有岑
樓倚半空

入山林恨不相逢意足猶如會面同一字懶題蕉葉上五年還到草
堂中眼前樓閣浮新綠鏡裏容顏減舊紅何日重來聽說法寶花無
數滿虛空

次韻答錢思復并簡呂彥夫

相逢動是經年別笑指沙鷗聚舊盟芳草只添遊子恨清風還有故
人情薇花亭館春容老木葉林塘晚氣清杜宇數聲愁不奈朝來白
髮鏡中生

送張伯翔

椽曹辭滿東陽郡尙憶丹丘興若耶掠鼠傳爰廷尉事運籌決勝列
侯家遺書猶載千秋鏡歸權應隨八月槎意氣相期在功業不將別

淚洒江花

閒居

慨想古人知用舍絕憐奔走曳長裾洛園五畝容君實蜀客千年誦
子虛滿地白雲連野竹繞門綠水浸秋蕖脫巾自草閒居賦客至從
喧禮法疏

題鮮于伯機書桃源詩

流水桃花駐客車青松白石二仙居鵝羣不待崇虛致繭紙爭求困
學書丹竈雲開光掩冉瓊林月上影扶疏舊題滿壁多風雨欲卷跳
龍上太虛

寄吳孟思

我憶錢唐吳孟思三年不見近何如半生白眼看俗士一代清名工
籀書江上風塵何瀕洞天邊鴻雁亦蕭疏多君早結籌山屋自樹衡
茅賦卜居

送人北歸

相逢袞袞別恩恩酒沃離腸蓋易空急管繁弦悲落日短衣匹馬又
西風關河千里頻回首烽火三年嘆轉蓬此去應須各強健有書長
寄北來鴻

寄徐景傳

我識徐公百不憂也應憐我賦登樓故人動是三年別獨客還驚一
雁秋舊雨淒涼烟水濶停雲晝靄夕陽愁吟邊若問湖山興翠影紅
香襲綵舟

寄題衛立本具慶堂

日永南陵棟宇深涿河繞屋樹陰陰三儀覆燾生成德百歲期頤孝
友心戲綵自供堂上水擊鮮無藉橐中金漢家舊賜麟符在奕葉蟬
聯直到今

風雨途中過羅主簿杖履歸北山

花縣哦松賦式微杖藜風雨返郊扉不將軒冕矜閭里只似山林一
布衣陳梁未覺烏巾墊僂耳何妨木屐歸曠士古來同一致先生無

意在輕肥

送張道士

羊山踏碎白雲堆不見仙翁未肯迴
小有洞中持節待大羅天上散
花來丹崖翠壁參差見琳館瓊宮迤邐開
借得初平雙白鶴月明騎
上素華臺

六十

晚歲揆余初度日梅花索笑共清妍
留連風月三千界俯仰乾坤六
十年斥鷃海鷗齊小大春猿秋鶴與周旋
但教強健加餐飯莫把窮
通更問天

次韻答友人

山澤癯儒豈列仙丹梯萬丈莫攀緣
垂弧不記逢初度載酒何煩頌
大年花甲歷周辛卯歲玄枵日在女星躔
此生自斷君休問消息盈
虛總付天

辛卯冬

至正青龍在辛卯三冬民物躋春臺虹霓屢向朝昏見雷電長隨風
雨來豈有雪霜消瘴癘只看桃李發條枚天時人事多休問且盡生
前有限杯

方外論交獨有師一談一笑共襟期閑雲屋下傳燈處慈母岡頭憶
弟時土室每同清夜話草堂猶有去年詩青山滿目人何在收淚長
懷不盡思

寒食

白雲毵毵鬢影斜風光流轉任年華杯行不惜斟婪尾春事如今到
棟花車馬羽毛分戰士園林鐘鼓是誰家側身北望空迴首愁絕吾
身未有涯

自警

垂老方知悟昨非野情長與世情違可堪青鏡生華髮莫遣緇塵點
素衣遼鶴歸來悲往事海鷗飛去識先機幽棲只合逃空谷深掩山
中白板扉

閏月書事

提封百萬海爲疆猛士如雲守四方楚塞烽烟南去急燕山兵甲北
來強總戎自信如頗牧遣使懸知有暴張多少英才思報國手操長
矢射天狼

遊紫巖寺

古木迴巖障綠陰此中知有小藪林懸厓置屋依空曲繞澗穿雲入
窈深簷筍香來清鼻觀蓮花色淨悟禪心寶坊自有差徭及從此應
無布地金

自山中歸

山人留我山中宿又返湖陰理釣篷鳥嶼孤雲邀獨鳥林梢片雨隔
殘虹田歌互答耘耔樂野老相親巾履同休道干戈猶滿地捷書已
到大明宮

築城

城復于隍四十年荆吳忽爾舉烽烟雄藩已設金湯固惟茲還如鐵

樂府樵唱卷三

續金瓶叢書

奉簡吳濬仲遊地紫巖山

鏡中華髮不勝簪歌詠周南治世音老驥謾懷千里志隙駒空負百年心傳聲烽火猶虛遠遁迹山林竟密深多謝故人憐寂寞可堪莊鳥獨哀吟

寄唐公弼

十年落魄西湖上舞榭歌臺爛熳遊愛客酒翻鸚鵡盞采花香滿鸛鷄裘戚聯盡是千金子談笑還輕萬戶侯一段風流成白髮銀牀冰簟不勝秋

暑夜對月

三伏炎宵困鬱蒸攬衣盤礴敞閒庭自移冰簟邀明月卧看銀河倒列星竹樹繁陰口沆瀣乾坤清氣入襟靈蓐收按節明朝至先落梧桐一葉青

夢輝東陽

輝老相逢夢裏身笑談猶自惜離羣精魂不返三生石臺閣長垂五
色雲澗水松風秋瑟瑟草堂烟樹月紛紛覺來多少悲涼意清淚潛
潛夜欲分

夜宿葉孟咨書樓

小樓蕭爽俯平川市井收聲暮景懸雲影消沈山外雨月華浮動水
中天船舷暝戛層簷底更漏時傳客枕邊溪友幾番留我宿清談終
夕不成眠

次韻過表忠觀

龍鳳山前一逕長錢王宰木鬱蒼蒼英雄何用作疑塚富貴不如歸
故鄉錦繡湖山猶髣髴麒麟荆棘已荒涼表忠觀裏豐碑在坡老文
章共耿光

秋興三首

玉露凋傷草木衰風雲慘澹見旌旗南征車馬無消息北去關河有
蔽虧畫棟飛雲滕閣曉胡牀月上庾樓時遙應此地成蕭瑟日落江

城畫角悲

吳會雄藩實壯哉，薇垣高倚海天開。
雲連接閣笙歌市，日照湖山錦繡堆。
萬國舟車通貨殖，四方冠蓋集英材。
悲風吹破繁華夢，鞞鼓聲中半劫灰。

封豕長蛇夜透關，滿城兵火照湖山。
生靈化作玄黃血，羣盜爭採赤白丸。
整整堂堂離復合，纍纍若若去無還。
捐軀鋒鏑焚參政，千載英風史冊間。

席上卽事

華筵秩秩宴清宵，拊掌歌呼飲興饒。
罵坐灌夫元不缺，絕纓楚客去難招。
綠珠嬌小仍吹笛，碧玉殷勤且合簫。
待得月斜人散後，一杯花露酒初消。

垂老有懷葉景翰范景先胡仲申

垂老行歌獨隱淪，索居長是念離羣。
也知月色秋來好，只怪雞聲夜不聞。
滿鬢風沙時暖暖，側身天地思紛紛。
故人相望隔秋水，幾度憑

高對暮雲

中秋

風露平分洗太清團團碩兔又東生一年獨愛今宵好萬里同看此
日晴大地山河由仰照中天星斗只微明霓裳翻作人間曲得似簫
韶奏九成

月夜懷友

銀河吹浪瀉長空南國蕭蕭草木風千里共看明月好一尊那得故
人同關河牢落無來雁江海飄零任轉蓬近喜皇威清海岱紫薇星
在五雲中

次韻憶錢塘二首

湖山錦繡照青春烽火驚心歲在辰文武衣冠全盛日旄倪歌舞太
平人金戈鐵馬消氛祲翠閣朱樓起戰塵賴有總戎雲鳥陣闕如虬
虎捷如神

雄冠南來二百州相君金虎領貔貅西山雲氣三天竺東海潮聲入

月秋聖代只今文物盛名藩自古庶民稠狂飈一夜烟塵起太白行
天大火流

御史登城南閱武亭

玉帳分弓列虎貔繡衣閱武又星馳沙場慘澹旌旂動城郭崢嶸鼓
角悲優武脩文當聖代有征無戰是王師掃除天下烟塵息其止歸
來有健兒

喜聞太傅右丞相出師平寇

詔書飛下九重天太傅仍兼將相權入總夔龍陪帝舜出爲叔虎佐
周宣西北旌旂騰殺氣東南海嶽靜烽烟功高帶礪歸來日聖主垂
衣億萬年

癸巳歲二月壬子日晴

春來壬子無風雨共卜今年麥有秋且願王師息征伐盡安農事樂
耕耨墟中能幾炊烟起閩右惟多賦粟憂膾喜山城過百雉長濠如
帶漲新秋

寒食

二月闌珊逢百五疾風甚雨思愴然青春白髮愁千種柳絮梨花又
一年想像漢宮傳蠟燭幽憂楚澤起烽烟崇碑多取泉臺石麥飯無
從洒墓田

三月七日

松風謾謾響中唐簷影微微下短牆新竹纔添十二箇清詩題却兩
三行流鶯乳燕渾無語野草幽花各自香妙意難言成散逸此身如
客獨蒼茫

答勝上人

罷講常陪御史驄龍翔如在五雲中匡廬駐錫看秋瀑衡嶽褰裳振
海風歲月崢嶸懷舊隱烟塵瀕洞正興戎禪餘夢繞珠峰塔萬丈靈
光貫白虹

胡太常錄寄黃侍講詩二首見示因次韻

學士縣車自日邊太常先已得雲泉政如沼社尊諸老曾聽虞廷奏

五絃禮樂雍容清廟祀
繇綸紉繹玉堂仙
歸歟好結山中友
來往風流白髮年

翰林風度似涪翁
伐木相求一笑逢
東峴看雲披鶴氅
北門視草憶鰲峰
花間載酒清歌起
竹裏行廚異味重
晚歲文章浩如海
百川日夜盡朝宗

次韻張子恭督兵衢州二首

舞階干羽未班師
命將南征卽陛辭
繡斧風行迎暴勝
羽書日報護仙芝
憲曾得士資謀畫
才略如公出等夷
儒術可親軍旅事
投壺相與雅歌詩

繡衣有緣志冲天
談笑揮兵用命前
借箸留侯知有後
誓江祖述勇居先
一時蛇豕俱風靡
萬竈貔貅解甲眠
如此賢勞端爲國
詠歌嘗見太平年

中秋二首

秋氣蕭條一半過
西風滿眼奈愁何
登樓見月忽長嘯
看劍引杯成

醉歌菽粟豈能如水火甲兵誰為洗天河蒼生正墮顛崖裏絃管堂
深列翠蛾

去歲今宵醉似泥今年對月獨眠遲人間共浥金波爽天上誰將玉
笛吹黃道星辰環北極青冥風露洗南陲銀橋試問乘鸞女仙桂誰
攀第一枝

次韻美老左丞總戎有功

薇垣左轄鎮江東維翰維藩復總戎千里旌旗開玉帳九天閭闔錫
彤弓龍韜密應非熊兆虎旅爭收汗馬功有待賊壕渾鏟盡班師入
奏大明宮

美楊志誠

省郎勛胄著關西江左行軍縱馬蹄邊算熟諳軍旅事筆籌不使簡
書稽笑談風動嫖姚幙步武雲隨宰相隄如此定功須第一金門天
近聽朝雞

建德同知蒼巖公以平寇陞總管

公子王孫領倖車，桐江秋月浸冰壺。
奮身破賊自草檄，拜命專城分竹符。
仁政涵濡真召杜，奇兵髣髴是孫吳。
功成早晚登樞要，添入麒麟閣上圖。

病中許存禮葉孟咨見訪示桃巖詩因次韻

絕壁巉巉草木稀，晨赧爛爛照熹微。
泥丸果核人何在，藥逕迷花客未歸。
空翠倚天開錦樹，亂紅如雨落雲衣。
飢餐阿母千金食，還勝山中采蕨薇。

七言絕句

寒食三首

寒食今逢二月天，土甘焚死竟誰憐。
年來遺逸爭求聘，乞賜新條草禁烟。

故苑烟綿野草花，廢陵無樹著栖鴉。
宮中傳燭人如夢，留得東風御柳斜。

舊遊

古槐疏冷日蒼涼
廢館荒臺隔短墻
自是舊遊偏易感
紫駟曾繫綠垂楊

偶成
挾才勝德世所薄
寧我負人天可欺
士之言行苟如此
聖經賢傳將奚爲

赤松雜詠六首

赤松山

雙鶴冲天去不迴
五雲繚繞散花臺
山中若見皇初起
爲問留侯幾度來

小桃源

澗戶沈沈鎖翠烟
落花流水自年年
種桃道士多風致
疑是天台采

藥仙

煉丹井

丹成遺井在層巔
金碧靈光夜燭天
抱甕道人閑不得
白雲深處灌

芝田

濯纓堂

參天老樹倚高寒、誰濯塵纓向激湍
夜半仙人來洗鶴、手翻明月弄潺湲

卧羊山

雨香雲淡草離離、三百維羣睡覺遲
白石滿山休叱咤、二皇不借五仙騎

桃花澗

繞閣長松百尺高、輕花細細落雲梢
羽人和露餐金粉、不用嵩山道士教

送黃鍊師絕句二首

聞說穀城黃道士、素華臺上見留侯
蒼龍點得雙睛了、騎繞仙人十二樓

葛洪井畔煉丹成、手把芙蓉禮太清
更覓緱山王子晉、碧桃花下叫

吹笙

泊臨口

泊舟臨口月初生兩岸拏音雜市聲明日丹陽朝食後小車推上石頭城

龍飛亭

謝公墩下萬松圍上有華亭壓翠微五色流蘇懸玉座先皇曾引六龍飛

春日雜咏絕句三首

東蘭梨雪暗吹香翠袖金壺爲洗妝客裏不知花代謝馬蹄贏得一

春忙

草木欣欣亦向榮簷牙燕雀半生成落花不掃柴門掩自喜幽居見物情

野人居處絕紛譁芳援踈籬入九家昨夜山中風雨急曉來門掩掃桐花

山水小景

秋滿西山爽氣多
山人帷箔卷烟蘿
清溪只在雲林外
夜半月明聞棹歌

登碧雲蒼雪樓有感

先人舊宅倚崇阿
獨上高樓自浩歌
一度歸來一愁絕
暮年身世竟如何

題小景

清江碧嶂白雲飛
紅樹斜陽獨鳥歸
我畫有聲描不得
西風分付米元暉

題太真睡起圖

興慶池邊花爛爛
清平調裏思飄飄
玉環睡起嬌無奈
背立東風酒半消

夜雪

天低野澗凍雲同
脉脉綫綫向晚空
窻影漸明疑近曉
竹聲頻折怪

無風

寄江貫之

素業年來付子孫乾坤著此一閑生
遙知獨酌西窻下曾倚東風念
遠人

戲簡江君逸清明日移家

曲巷垂楊倚杏花清明時節客移家
白頭老子風流甚自與文君駕
小車

代呻吟絕句十首

一室無心事掃除蓬蒿沒膝繞吾廬
何人解有陳蕃志過客休疑仲
蔚居

茅屋蛛絲日日新亂黏鬚髮惹衣巾
障空錯綜添經緯不遣飛蟲打
著人

蘆花方褥竹方牀葛帳含風薤簟涼
夜半起來山月白滿天清露洒
衣裳

支離野老畏炎蒸，露坐三更倦不勝。
何物能消清夜渴，迎風誰致玉壺冰。

委巷全無長者車，脫巾散髮掩殘書。
多緣示病耽慵懶，客至從嗔禮法疏。

暮年長是惜離羣，空谷跫音亦喜聞。
天末倚風迴白首，濛濛時雨靄停雲。

鬢絲冉冉颺茶烟，藥裏關心手自煎。
禍福從來相倚伏，靈氛何必事筵筭。

辛夷始花人問疾，菡萏已秋猶養疴。
投老栖遲有如此，一年強半病中過。

囊底雖存大藥資，民憂鈔法阻艱時。
伯休不二今安在，市價從他或倍徙。

脩竹泠泠石磴寒，青松落落露雲端。
此中昔我專遊釣，病裏長思倚杖看。

滿江紅

天台道中

翠逼籃輿天台路樹迷烟際襟袖冷朔風初度露華才墜珠斗橫空
孤嶂遠金波搖月寒潭碎問劉郎采藥遇神仙知何地終不負風
雲志還有待江山意想瑣窻應念故人歸去翠羽梅花山下夢青衫
楓葉江頭淚算郵亭一曲好姻緣何時會

唐多令

雪

春近柳依依天台客未歸任東陽減却腰圍手撚梅花吟未了驚眼
底雲花飛相對兩忘機青山陡覺非想鷺池夜令難違誰道子猷
豪富甚銀箬笠玉蓑衣

桂枝香

楊潤之得家書

霜凝翠閣謾獨剪燈花斜照羅幙點檢芳心舊事幾多成錯清愁正
爾無聊賴聽梅花數聲殘角小窻風細虛簷月轉怎禁寥寞笑鬢
底年華老却問前度劉郎何處重約流水桃花別後幾番開落吾廬
三徑歸來好任緇塵暗迷京索鳳臺人遠雁書頻寄喜占烏鵲

洞仙歌

漫興

雲間倦翼向林邊知倦迴首吾廬夢中見霜催吟鬢塵腕征衫竟孤
負清夜猿驚鶴怨 綈袍空做却歲月無情贏得當時故人戀謾索
笑共梅花弄粉吹香怕腸斷東風庭院奈芳草萋萋怨王孫看江北
江南幾迴青遍

滿江紅

歸故居答楊潤之

袖拂西風臨古道行行且止遙指處故園三徑歸程十里老虹音青
紅疏雨外遠山紫翠斜陽裏更澄江萬頃白鷗輕天連水 銅花鏽
貂裘敝空負了平生志慨幾多往事昨非今是仙沈腰圍綠底瘦愁
潘鬢影今如許有元龍百尺最高樓君來倚

最高樓

寄謝國芳

西池草和夢汎晴暉幾度見春歸寒沙盟冷鷗先覺秋江影落雁初
飛故園荒征路遠信音稀 笑逆旅光陰忙似箭更好染髭鬚何用
鑷驚夜杵搗寒衣桃花流水應無恙小山藜桂更疇依早歸來新酒

熟菊成圍

滿庭芳

已卯七月十一日得穎

露洗新秋天浮灝氣桐孫初長庭隅棚栽紅錦門左記垂弧白髮萱
親笑道于今見四葉喜榮敷天台路吾兒知不倩雁報安書 山中
何所有石田茅屋菊徑瓜區更寒窻老硯他年儘傳渠願汝身如犢
健看書罷更學把犁鋤稱鄉里善人可矣卿相又何如

念奴嬌

寄蕭善之

絳河明月到中秋不比尋常三五神女夢寒生嫉妬特地行雲行雨
天上嬋娟人間陰晦悵望成悽楚金尊翠袖澹然相對無語 遙想
天柱峰頭通宵宴賞此地今何處爭似銀橋侵漢表直入瓊樓玉宇
桂樹婆娑羽衣凌亂偷得霓裳譜素娥應笑醉來狂興如許

大江東

壽輝東陽丁亥正月十三日
生推命者丙戌算因戲及之

東陽老子問天公乞得兩番六十初度孟陬春未到却算去年丙戌
火樹銀花先開三夜照耀維摩室祇園樹下爭看無量壽佛 人道

雙峴峰頭乾坤清氣鍾此彌天釋掛錫藜林三十載玉檢芝泥猶濕
嶺上白雲儘堪怡悅恐被風吹出法身強健摩挲時問銅狄

疎影

爲劉架閣賦贈妓者

縞衣仙子倚東風花信先占春色帶酒含頰脉脉無言青鳥爲傳消
息暗香一點才浮動早自有東君憐惜想前身傅粉精神化作飛瓊
肌骨 還向影娥池上借霓裳一曲徘徊歌席清夜梨花同夢方甘
又似楚雲踪跡新歡舊恨知多少算檀板金尊消得折芳馨欲寄相
思人在江南江北

沁園春

贈鄭伯洪

谷口仙田瑤草誰栽山中子眞向紫霞洞裏鑿開丹室素華臺上澹
望鸞輪王子吹笙洪厓握手爛醉桃花萬樹春都休問蓬萊清淺天
地氤氳 有時澡雪精神誦蕊笈丹書小篆文更佩聯明月劍寒秋
水或答鸞鳳或翳麒麟碧落空歌紫虛鬱秀征挾飛仙拜玉宸天門
近聽履聲直上高步星辰

元時蘭溪詩人吳景奎字文可性耽吟詠徜徉山澤間雨濡其衣弗覺著有藥房樵唱前有宋景濂序稱其才無不兼體無不備如入玄圃而覽明月莫難之珍如登崑邱而覩天禾肉芝之貴其推重如此至正戊戌先生子履與門人黃琪輯成三卷付梓燬於兵燹明正德四年六世族孫禧重刊前三卷皆詩末增樂府七闕後有增錄則行狀墓誌銘傳哀辭之類四庫已著錄余得此本彙入續刻中季樵胡宗楸